

“ТАСДИҚЛАНГАН”

“Кўприкқурилиш” АЖ

Кузатув кенгашининг

2025 йил 20 августдаги

2-2025-сон мажлис қарори

**“Кўприкқурилиш” АЖ ва унинг тизимидаги ташкилотларда коррупцияга қарши курашиш бўйича намунавий
СИЁСАТИ**

1-боб. Умумий қоидалар

1.1. Ушбу сиёсат “Кўприкқурилиш” АЖ ва унинг унинг тизимидаги ташкилотларда (кейинги ўринларда – жамият тизими)да ҳалоллик сиёсатини таъминлаш, яъни ходимлар ва умуман жамиятда коррупцияга қарши курашиш маданиятини ошириш мақсадида юксак ҳуқ-атвор стандартларига мувофиқлик, шунингдек лавозим (хизмат) мажбуриятларини бажариш чоғида жамият тизими ходимлари томонидан коррупциявий ҳаракатлар содир этилишига йўл қўймасликка доир ҳаракатларини ифодалайди.

1.2. Ушбу жамият тизимида коррупцияга қарши курашиш бўйича намунавий сиёсат (кейинги ўринларда - Сиёсат деб юритилади) Ўзбекистон Республикасининг “Коррупцияга қарши кураш тўғрисида”ги Қонуни талаблари, Ўзбекистон Республикаси Президентининг 2019-йил 27-майдаги ПФ-5729-сон «Ўзбекистон Республикасида коррупцияга қарши курашиш тизимини янада такомиллаштириш чора-тадбирлари тўғрисида»ги, 2020-йил 29-июндаги ПФ-6013-сон «Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида»ги қарорига мувофиқ ISO 37001:2016 «Коррупцияга қарши кураш менежменти тизими – Талаблар ва уларни қўллашга доир тавсиялар» халқаро стандарти талаблари ва тавсияларини ҳисобга олган ҳолда ишлаб чиқилган.

1.3. Жамият тизими Сиёсатни ўз фаолияти спетсификасидан келиб чиқиб қабул қилади, ўзига хос ва қолдиқ коррупциявий хавф-хатар, тажриба ва мавжуд ресурслар асосида коррупцияга қарши курашиш бўйича ўз механизмларини ишлаб чиқади ва жорий этади. Бунда ушбу коррупцияга қарши талаблар мазкур сиёсат ва жамият тизимининг ички ҳужжатларида белгиланган талаблардек қатъий бўлиши керак.

1.4. Қуйидагилар жамият тизимида коррупцияга қарши курашишнинг асосий мақсади ҳисобланади:

жамият тизими ходимлари томонидан Ўзбекистон Республикаси қонунлари

ва коррупцияга қарши курашишга доир ички ҳужжатлар талабларини тушуниш ва уларга риоя этилиши;

жамият тизимида коррупциявий хавф-хатарларни камайтириш ва коррупцияга барҳам бериш;

жамият тизимининг барча фаолият соҳаларида коррупциянинг олдини олиш бўйича чора-тадбирларни амалга ошириш;

аҳолининг жамият тизимида ҳуқуқий онги ва ҳуқуқий маданияти даражасини ошириш, жамиятда коррупцияга нисбатан муросасиз муносабатни шакллантириш;

жамият тизими ходимлари фаолияти шаффофлиги ва хулқ-атвор меъёрларига мувофиқлигини таъминлаш;

коррупциявий ҳаракатларни ўз вақтида аниқлаш, уларга барҳам бериш, уларнинг оқибатлари, уларни келтириб чиқарувчи сабаб ва шарт-шароитларни бартараф этиш, коррупциявий ҳаракатларни содир этганлик учун жавобгарликнинг муқаррарлиги тамойилини таъминлаш;

жамият тизимида мавжуд коррупцияга барҳам бериш.

1.5. Мазкур Сиёсат талаблари эгаллаб турган лавозими ва бажараётган функциясидан қатъий назар жамият тизимининг барча ходимлари учун бирдек амал қилади.

1.6. Жамият тизимига ишга кираётган ҳар қандай шахс мазкур Сиёсат билан имзо чеккан ҳолда танишишлари, унинг қонун-қоидаларига риоя қилиши лозим.

1.7. Мазкур Сиёсатнинг мақсадлари учун қуйидаги асосий тушунчалар ва атамалардан фойдаланилади:

хайрия (хайрия ёрдами) - юридик ва жисмоний шахслар (хайрия қилувчилар)нинг жамият тизими учун бепул ёки имтиёзлар асосида моддий ва/ёки номоддий бойликлар, хусусан, пул маблағлари шаклидаги бойликларни топшириш, улар учун маълум ишларни бажариш, хизматлар кўрсатиш ва хайрия мақсадларидаги бошқа қўллаб-қувватлашларни тақдим этишда намоён бўладиган ихтиёрий беғараз ёрдами;

яқин қариндошлар - қариндош ёки қуда томондан қариндош бўлган шахслар, яъни ота-она, туғишган ҳамда ўғай ака-укалар ва опа-сингиллар, эр-хотин, фарзандлар (жумладан асраб олинган фарзандлар), бобо, бувилар, набиралар, шунингдек эр (хотин)нинг ота-онаси, туғишган ва ўғай ака-укалари ва опа-сингиллари;

мансабдор шахс - доимий, вақтинча ёки махсус ваколат бўйича тайинланадиган ёки сайланадиган, ҳокимият вакили вазифаларини бажарадиган ёхуд давлат органларида, фуқароларнинг ўзини ўзи бошқариш органларида, мулк шаклидан қатъий назар, корхоналарда, муассасаларда, жамият тизимларида ташкилий-бошқарув, маъмурий-хўжалик вазифаларини амалга оширадиган ва юридик аҳамиятга эга ҳаракатларни содир этишга ваколат берилган шахс, шунингдек халқаро ташкилотлар тизимида ёхуд чет

давлатнинг қонун чиқарувчи, ижро этувчи, маъмурий ёки суд органида мазкур вазифаларни амалга оширувчи шахс.

манфаатлар тўқнашуви - шахсий (бевосита ёки билвосита) манфаатдорлик шахснинг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан фуқароларнинг, ташкилотларнинг, жамиятнинг ёки жамиятнинг ҳуқуқлари ва қонуний манфаатлари ўртасида қарама-қаршилик юзага келаётган ёки юзага келиши мумкин бўлган вазият;

коррупцияга қарши курашиш талаблари бузилганлиги тўғрисида виждонан хабар бериш - жамият тизими ходими томонидан коррупциявий ҳуқуқбузарлик содир этилганлиги (содир этишга уриниш бўлганлиги) тўғрисида жамият тизими ходими ёки бошқа шахс томонидан асослилигига ишонч ҳосил қилган ҳолда жамият тизими алоқа каналлари орқали йўлланган мурожаат;

иш фаолияти юзасидан меҳмондўстлик белгилари - учинчи шахсларнинг ҳамкорлик ўрнатиш ва/ёки уни қўллаб-қувватлаш билан боғлиқ бўлган, жамият тизими ходимларининг содиқлигини оширишга қаратилган, жамият тизими ходимлари манфаатлари йўлидаги харажатлари, жумладан учинчи шахсларнинг овқатланиши, иш фаолияти юзасидан тушликлар ташкил этилиши билан боғлиқ харажатлари, транспорт харажатлари, яшаш, кўнгилочар тадбирлар, жумладан саёҳат дастурлари билан боғлиқ харажатлар ва ҳ.к.;

уруғ-аймоқчилик - жамият тизими ходимининг авлод-аждодлари бир бўлган, бир сулолага мансублик асосида учинчи шахсларга нисбатан субъектив, имтиёзли ва ноҳолис муносабат шаклидаги шахсий манфаатдорлиги;

комплаенс - жамият тизимидаги коррупцияга қарши курашиш бўйича тадбирларни қонунчилик талаблари, мувофиқлаштирувчилар, манфаатдор томонларнинг, бизнес амалиётлар, хулқ-атвор меъёрлари, ҳаллоллик ва коррупцияга қарши курашишга доир халқаро стандартлар, илғор амалиётларга норматив-ҳуқуқий жиҳатдан мослигини таъминлаш жараёни.

коррупцияга қарши комплаенс-назорат тизими - бу жамият тизимининг ташқи ва ички коррупция, шунингдек юқори ва ўрта бўғин раҳбарлари томонидан йўл қўйиладиган суистеъмолчиликлар ва жамият тизимини самарасиз бошқаришдан ҳимоялаш тизимидир.

контрагент - жамият тизими билан шартномавий муносабатларга киришган (меҳнат муносабатлари бундан мустасно) ҳар қандай юридик ёки жисмоний шахс;

коррупцияга қарши курашиш учун масъул - жамият тизимида коррупцияга қарши курашиш вазифаси юкланган таркибий тузилма (ходим);

коррупция - шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки

номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

коррупциявий ҳаракатлар - бу пора берувчи манфаатларини кўзлаган ҳолда жамият тизими ходими томонидан ҳаракат ёки ҳаракатсизлик учун бевосита ёки билвосита, шахсан ёки учинчи шахслар орқали пора, яъни пул, қимматбаҳо қоғозлар, бошқа мол-мулк, мулкӣй характерга эга хизматлар, бошқа мулкӣй ҳуқуқларни олиш, талаб қилиш, ундириш, таклиф қилиш, ваъда қилиш ва бериш, пора бериш ва/ёки олишда воситачилик қилиш, расмий жараёнларни соддалаштириш учун тўловлар қабул қилиш, пора олиш ва бошқа қонунга хилоф мақсадларда шахс томонидан ўз хизмат мавқеидан ноқонуний фойдаланиши;

коррупцияга оид ҳуқуқбузарлик - коррупция аломатларига эга бўлган, содир этилганлиги учун қонунчиликда жавобгарлик назарда тутилган қилмиш;

коррупциявий хавф-хатар - жамият тизими ходимлари ёки учинчи шахслар томонидан жамият тизими номидан ёки уларнинг манфаатлари йўлида коррупциявий ҳаракатларни амалга ошириш хавфи;

кронизм - (фаворитизмнинг дўстона алоқаларга асосланган кўриниши) – дўстлар ёки ишончли шахсларга ноқонуний имтиёзлар тақдим этиш мақсадида ҳокимият ва/ёки обрўсидан фойдаланиш;

ходимнинг шахсий манфаатдорлиги - хизмат мажбуриятларини бажариш вақтида жамият тизими ходими томонидан, унинг яқин қариндоши ёки унга алоқадор шахслар томонидан унинг лавозим ёки хизмат мажбуриятларини тегишлича бажаришига таъсир қилиши мумкин бўлган пул маблағлари, моддий ва/ёки номоддий қийматликлар, бошқа мол-мулк, фойда, бойликлар ва афзалликлар кўринишидаги шахсий фойда (шахсий, ижтимоий, мулкӣй, молиявий, сиёсий ва бошқа тижорий ёки нотижорий манфаатлар)ни қўлга киритиш имконияти;

халқаро жамият тизими - давлатлар, ҳукуматлар ёки бошқа халқаро жамият тизимилар томонидан ташкилий шакли ва ваколатларидан қатъий назар ташкил этилган ҳар қандай халқаро жамият тизими, жумладан, масалан иқтисодий интеграция бўйича минтақавий жамият тизимилар;

маҳаллийчилик - шахсни унинг наслий келиб чиқиши (аслзода ёки машҳур сулола вакили эканлиги ва у жамоатчилик томонидан эътироф этилганлиги) ҳамда яқин қариндошларининг эгаллаб турган хизмат мавқеи сабабли, унинг лавозимга қўйиладиган малака талабларига мос келиш-келмаслигини ҳисобга олмаган ҳолда ишга қабул қилиш, ротация қилиш ва лавозимга тайинлаш;

непотизм - (таниш-билишчилик, қариндош-уруғчилик; фаворитизмнинг қариндошлик ришталарига асосланган кўриниши)-ўзининг яқин қариндошлари ёки дўстларига ноқонуний имтиёзлар бериш мақсадида ҳокимиятдан фойдаланиш ва (ёки) таъсир ўтказиш, шунингдек, яқин қариндошлари ва (ёки) дўстларига асоссиз мукофотлар ҳисоблаш, жамият

тизими манфаатлари зарарига, яқин қариндошлари ва дўстларини ишга қабул қилиш ва лавозимга тайинлашлар;

расмийчиликларни соддалаштириш учун тўловлар - белгиланган тартиб-таомиллар ёки ҳаракатларни содир этиш билан боғлиқ стандарт тартиблар амалга оширилишини таъминлаш ёки тезлаштириш мақсадида тегишли қонунчилик ва норматив меъёрлар ҳамда қоидаларда кўзда тутилмаган ноқонуний равишда тақдим этиладиган пул маблағлари, мол-мулк, мулкӣ ҳуқуқлар, хизматлар ҳамда бошқа моддий ва номоддий фойда;

шафелик - жамият тизими ходимининг лавозими юқориоқ бўлган бошқа ходим томонидан қулай меҳнат шароитларини яратиб бериш шаклидаги ҳимояси, уни ёқлаб ёнини олиши;

ходим - жамият тизими билан меҳнат муносабатларига киришган жисмоний шахс;

реал манфаатлар тўқнашуви - жамият тизими ходимининг шахсий манфаатдорлиги бевосита ёки билвосита жамият тизими манфаатларига зид келадиган ва у томонидан хизмат мажбуриятларининг тегишлича бажарилишига таъсир қилувчи вазият;

алоқадор шахслар - жамият тизими ходими билан тижорат жамият тизимларининг устав капиталида иштирок этадиган шахслар, акциялари Республика фонд биржасида оммавий муомалада бўлган акциядорлик жамиятларининг беш фоизидан кам бўлган миқдордаги акцияга эга эканлиги бундан мустасно;

жамият тизими - алоҳида юридик шахс (жумладан, турли ташкилий-ҳуқуқӣ шаклларда) шаклида ташкил этилган муассасаларни ўз ичига олувчи жамият тизими тузилмаси:

жамиятнинг ўзи;

жамиятнинг тизим ташкилотлари.

коррупцияга қарши курашиш тизими - коррупциявий ҳаракатларнинг, Ўзбекистон Республикасининг коррупцияга қарши курашиш соҳасидаги қонунчилиги ва жамият тизимининг коррупцияга қарши курашиш масалаларига доир ички ҳужжатлари бузилишининг олдини олиш, жамият тизими ходимлари томонидан ўз фаолиятини профессионал ва ҳуқ-атвор жиҳатдан юксак даражада амалга оширилишини таъминлаш бўйича комплекс чора-тадбирлар;

ҳомийлик (ҳомийлик ёрдами) - юридик ва жисмоний шахслар (ҳомийлар) томонидан жамият тизими (ҳомийлик қилинаётган муассасалар)га улар учун ишлар бажариб бериш, хизматлар кўрсатиш ва хайрия мақсадларида бошқа турдаги ёрдамларни кўрсатиш, мол-мулк, жумладан пул маблағлари тақдим этиш билан ифодаланадиган ёрдами ҳисобланиб, уларнинг натижасида жамият тизими муассасаларида ҳомий олдида ўзаро мажбуриятлар юзага келади;

фаворитизм - жамият тизими ходими бошқа шахс ва/ёки шахслар гуруҳи манфаатларига қараганда битта шахс ва/ёки шахслар гуруҳи манфаатларига устувор аҳамият қаратиши, жамият тизимида кадрларни танлаш ва жойлаштириш, лавозимини кўтариш, мукофот пули бериш ва давлат мукофотларига тавсия этиш, таътил бериш ёки сиҳатгоҳлар ва хорижий сафарларга юбориш, мурожаатлар, шунингдек иш ва навбатчилик жадвалларини кўриб чиқишда кетма-кетликни йўлга қўйиш билан боғлиқ вазиятларда тартибларга риоя қилмаслик.

2-боб. Коррупцияга қарши курашнинг муҳим тамойиллари

2.1. Коррупцияга қарши кураш тизими қуйидаги тамойиллар асосида ташкил этилади ва фаолият юритади:

қонунийлик: жамият тизимидаги коррупцияга қарши курашиш бўйича чора-тадбирлар Ўзбекистон Республикаси қонунчилиги талабларига мувофиқ давлат органларида коррупцияга қарши курашиш бўйича илғор дунё тажрибаси, шунингдек жамият тизимининг ички ҳужжатларига қатъий риоя қилган ҳолда амалга оширилади;

коррупцияга нисбатан муросасизлик (тоқатсизлик) – жамият тизими ўз фаолиятининг барча соҳаларида коррупциянинг ҳар қандай шакллари ва кўринишларига муросасиз (тоқатсиз) муносабатда бўлади. Жамият тизими ходимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш қатъиян тақиқланади;

очиқлик ва шаффофлик: жамият тизими ходимлари ва контрагентлари, кенг жамоатчиликни жамият тизимида қабул қилинган ва амалга ошириладиган чора-тадбирлар тўғрисида хабардор қилиш (махфийлик ва хизмат сири тўғрисидаги қонун ҳужжатлари талабларини ҳисобга олган ҳолда);

коррупцияга қарши амалга ошириладиган чора-тадбирларнинг превентив хусусиятга эга бўлиши, тизимлилиги ва яхлитлиги: коррупциянинг олдини олиш, коррупциявий ҳаракатларнинг содир этилишига хизмат қилувчи сабаб ва шарт-шароитлар ҳамда коррупциявий хатарларни бартараф этишга қаратилган чора-тадбирларни амалга оширишнинг устуворлиги. Коррупцияга қарши жорий этиладиган чора-тадбирлар ва тартиб-таомиллар аниқланган хавф-хатарлар даражасига мос келиши ва жамият тизимининг барча функциялари ва йўналишларини қамраб олган коррупцияга қарши курашиш тизимига бирлаштирилиши;

коррупция билан боғлиқ ҳуқуқбузарликлар учун жавобгарликнинг муқаррарлиги – коррупция билан боғлиқ ҳуқуқбузарликларни содир этган жамият тизими ходимлари ўзининг мавқеи ва эгаллаб турган лавозимидан қатъий назар Ўзбекистон Республикаси қонунчилиги ва жамият тизимининг ички ҳужжатларига мувофиқ жавобгарликка тортилади;

илмий-техник тараққиёт ютуқлари ва ахборот технологияларидан фойдаланиш: жамият тизими коррупцияга қарши кураш тизимини

шакллантиришда илм-фан тараққиётининг сўнги ютуқларидан, шу жумладан, интеграллаштирилган ахборот-коммуникация тизимларидан кенг фойдаланишга интилади;

тўғридан-тўғри раҳбариятга мурожаат қилиш: жамият тизимининг ҳар бир ходими коррупциявий ҳаракат содир этилганлигига доир ишончли ва асосли маълумотлар мавжуд бўлганда Ўзбекистон Республикаси қонунчилиги ва жамият тизимининг ички ҳужжатларида кўзда тутилган чоратадбирларни қабул қилиш учун ҳудудий бошқарма ёки унинг тасарруфидаги муассаса раҳбари ҳамда жамият тизими раҳбарига ҳеч қандай тўсиқсиз мурожаат қилиши мумкин;

фуқаролик жамияти вакиллари билан ўзаро ҳамкорлик: Жамият тизими ўзига юклатилган функцияларни бажаришда уларнинг фаолияти устидан мустақил ва холис назоратни амалга ошириш мақсадида фуқаролик жамияти вакиллари жалб қилади;

мониторинг, таҳлил ва баҳолаш: Жамият тизими даврий асосда коррупцияга қарши курашиш тизими фаолияти мониторинги ва таҳлилини амалга оширади, шунингдек унинг самарадорлик ва натижадорлик кўрсаткичларини баҳолайди.

коррупцияга қарши курашиш тизимини доимий равишда такомиллаштириш: коррупциянинг олдини олиш ва унга қарши курашиш тизимини мониторинг ва назорат қилиш ҳамда коррупциявий хавфхатарларни бартараф этиш мақсадида жамият тизимида коррупцияга қарши курашиш самарадорлигини тўхтовсиз равишда ошириш чоралари кўрилади.

3-боб. Коррупцияга қарши курашишнинг асосий йўналишлари

3.1. Манфаатлар тўқнашувини бошқариш

3.1.1. Жамият тизими ходимлари ўз лавозим мажбуриятларини ҳалол ва виждонан бажариши, ўз хизмат мавқеидан ва/ёки жамият тизими тасарруфидаги мол-мулклардан шахсий манфаатдорлик йўлида фойдаланмаслиги ва реал манфаатлар тўқнашувига олиб келиши мумкин бўлган вазиятлардан сақланиши лозим.

3.1.2. Жамият тизими ходимлари ишга қабул қилинаётганда, лавозими кўтарилаётганда ва ротация қилинаётганда ҳар йили ва тегишли вазиятлар/шарт-шароитлар юзага келишига қараб манфаатлар тўқнашувига олиб келадиган ёки олиб келиши мумкин бўлган шахсий манфаатдорлигига доир ахборотни очиқлаши лозим.

3.1.3. Манфаатлар тўқнашувига олиб келиши мумкин бўлган вазиятларга мисол тариқасида қуйидагиларни келтириш мумкин:

а) ходимнинг яқин қариндошлари ва/ёки унга алоқадор шахслар унга бевосита бўйсунди;

б) ходим яқин қариндошлари ва/ёки унга алоқадор шахсларга нисбатан ходимларга оид қарорларни қабул қилиш (жумладан, иш ҳақи ёзиш ва тўлаш, мукофотлар, устама ва бошқа мукофот турлари тайинлаш ва уларнинг суммасини белгилаш) да иштирок этади;

с) ходим ва/ёки унинг яқин қариндошлари тижорат вазирлик тизимлари улуши ёки акцияларига эга (ходим ва/ёки унинг яқин қариндошлари акциядорлик жамиятининг Республика фонд биржаси ёки бошқа фонд биржаларида оммавий муомалада бўлган акцияларининг беш фоизидан кам қисмига эгалик қилаётгани билан боғлиқ ҳолатлар бундан мустасно);

д) ходим ва/ёки унинг яқин қариндошлари ҳар қандай жамият тизими (жумладан, тижорат ва нодавлат нотижорат жамият тизимлари) бошқарувида иштирок этади;

э) ходим унинг яқин қариндоши ва/ёки унга алоқадор шахс масъул ҳисобланган жамият тизими, унинг ҳудудий бошқармаси ёки тасарруфидаги марказ ёки муассасанинг маълум бир функциясига нисбатан назоратни амалга оширади;

ф) ходим шахсий манфаатдорлиги бор ва/ёки унинг яқин қариндошлари ҳисобланган шахслардан товар, ишлар ёки хизматлар сотиб олишга доир қарорларни қабул қилишда иштирок этади;

г) ходим яқин қариндошлар ва уларнинг фарзандлари, ўзига алоқадор шахслар ва уларнинг фарзандлари, шунингдек тасарруфидаги муассасаларнинг бошқа шахслари билими ва ваколатини баҳолайди (якка ўзи ёки коллегиял тарзда) ва уларни баҳолаш шахсий манфаатдорлик сабабли ноҳолис бўлиши мумкин;

х) ходим грант маблағлари ҳисобига молиялаштириладиган илмий-тадқиқот ишларини амалга оширувчи илмий жамоа таркибига яқин қариндошлар ва уларнинг фарзандлари, ўзига алоқадор шахслар ва уларнинг фарзандлари, шунингдек уларга нисбатан қарор қабул қилиш шахсий манфаатдорлик сабаб ноҳолис бўлиши мумкин бўлган шахсларни қўшиш тўғрисида қарор қабул қилади (якка ўзи ёки коллегиял тарзда);

и) ходим яқин қариндошлар ва уларнинг фарзандлари, ўзига алоқадор шахслар ва уларнинг фарзандлари, шунингдек уларга нисбатан қарор қабул қилиш шахсий манфаатдорлик сабаб ноҳолис бўлиши мумкин бўлган шахсларни бошқа лавозимга ўтказиш/тиклаш тўғрисида қарор қабул қилади (якка ўзи ёки коллегиял тарзда);

ж) шунингдек 11-банд а-и кичик бандларида санаб ўтилган вазиятлар, агар қарор фаворитизм, непотизм, кронизм, уруғ-аймоқчилик, маҳаллийчилик, шафелик сабабли қабул қилинаётган бўлса.

Мазкур бандда санаб ўтилган вазиятлар рўйхати якуний ҳисобланмайди. Манфаатлар тўқнашуви мавжудлигини аниқлаш учун ҳар бир алоҳида ҳолат барча мавжуд шарт-шароитларни ҳисобга олган ҳолда якка тартибда кўриб чиқилади.

3.1.4. Жамият тизими ходимлари томонидан манфаатлар тўқнашуви ва уни тартибга солишга доир ахборотни очиқлаш жараёни жамият тизими манфаатлар тўқнашувини бошқариш тартиби тўғрисидаги низомда белгилаб қўйилган.

3.1.5. Манфаатлар тўқнашувини аниқлаш учун самарали назорат тартиб-таомиллари жамият тизими ходимларининг учинчи шахслар билан ўзаро алоқаси рўй берадиган барча функцияларга жорий этилиши лозим (масалан, танлов савдоларини ташкил қилиш, рейтингларни ҳисоблаш ва ҳ.к.).

3.2. Иш юзасидан совғалар ва меҳмондўстлик белгилари

3.2.1. Жамият тизими ходимларига ўз хизмат мажбуриятларини бажариши доирасида жисмоний ва юридик шахслардан ҳар қандай иш юзасидан совғалар меҳмондўстлик белгилари, жумладан қарз бериш, кафолатлар, кафиллик, мукофот, моддий ёрдам, нақд пулсиз ва нақд пул маблағлари ёки уларнинг эквивалентлари, қимматбаҳо қоғозлар, криптовалюта, бошқа моддий қадриятлар ёки хизматлар кўринишидаги рағбат воситаларини олиш тақиқланади.

3.2.2. Жамият тизими ходимлари томонидан расмий делегациялар таркибида, расмий, жумладан чет элдаги тадбирларда олинган ҳар қандай совғалар қийматидан қатъий назар, жамият тизимининг тегишли муассасаси мулкига топширилиши лозим.

3.2.3. Жамият тизимида ички коррупциянинг олдини олиш мақсадида тизим ходимлари ўртасида хизмат мажбуриятларини қабул қилиш билан боғлиқ бўлмаган ва ходим шахси билан боғлиқ деб эътироф этилган совғаларни бериш қоидалари белгилаб қўйилган:

совға олувчи учун манфаатлар тўқнашуви вазиятини келтириб чиқармаслиги ва совға берувчи олдида бирор-бир мажбуриятларни юзага келтирмаслиги лозим;

совға очиқ-ойдин берилади, совға берилаётгани яширилмайди;

совғани фақат умумэътироф этилган байрамлар (таваллуд айёми, фарзанд туғилиши, Ватан ҳимоячилари куни, Халқаро хотин-қизлар куни, янги йил ва ҳ.к) муносабати билан беришга рухсат этилади;

совғалар жамият тизимининг камида учта ходими иштирокида берилиши лозим;

совғани бериш чоғида табрик сўзи айтилиб, унда совға бериш учун сабаб бўлган воқеа-ҳодиса аниқ баён этилади;

совғанинг умумий қиймати (барча солиқ ва йиғимлар билан бирга) базавий ҳисоблаш миқдорининг 5 (беш) баробаридан ошмаслиги лозим;

Жамият тизимининг бир ходими иккинчи ходимга совға олиш учун сарфлайдиган сумма миқдори ҳар ҳолатда базавий ҳисоблаш миқдорининг 1 (бир) баробаридан ошмаслиги лозим.

3.2.4. Шубҳа (гумон)лардан ҳоли бўлиш учун ҳар қандай байрамлар (жумладан, лекин чекланмаган ҳолда туғилган кун, фарзанд туғилиши, Ватан ҳимоячилари куни, Халқаро хотин-қизлар куни, янги йил ва ҳ.к) муносабати билан мазкур Сиёсатнинг 14 ва 15-бандларида келтириб ўтилмаган бошқа вазирлик ходимлари, ҳамкорлар ва контрагентлар, бошқа жисмоний ва

юридик шахслардан олинадиган мазкур Сиёсатнинг 14-бандида санаб ўтилган совғалар ва моддий бойликлар олиш тақиқланади.

3.2.5. Жамият тизими номидан халқаро конференциялар, симпозиумлар ва бошқа иш юзасидан (хизмат) учрашувларида совғалар бериш раҳбар буйруғига кўра, Ўзбекистон Республикаси қонунчилик талабларига мувофиқ амалга оширилади.

3.2.6. Совға бериш/уни қабул қилишнинг қонунийлигида шубҳа туғилган тақдирда жамият тизими ходими жамият тизимида коррупцияга қарши кураш учун масъул тузилма (ходим)га маслаҳат сўраб мурожаат қилиши лозим.

3.3. Жамият тизими ходимларининг иш фаолияти юзасидан ўтказиладиган тадбирларда иштирок этиши.

3.3.1. Жамият тизими ходимларининг халқаро ва бошқа вазирлик тизимлари таклифига кўра иш фаолияти юзасидан ўтказиладиган тадбирлари (кўргазмалар, семинарлар, конференциялар ва ҳ.к.)да иштирок этишига қуйидаги шартларга риоя қилган тақдирда рухсат этилади:

тадбир Ўзбекистон Республикаси қонунчилиги, мазкур Сиёсат тамойиллари ва талаблари ҳамда жамият тизимининг бошқа ички ҳужжатларига мос келса;

тадбир жамият тизими ёки таклиф этган томоннинг қонуний манфаатларига хизмат қилса;

ахборот учрашувини ўтказиш тадбирнинг асосий мазмуни ва/ёки мақсадини ташкил этса;

тадбир жамият тизими ходимлари томонидан у ёки бу қарорлар қабул қилинишига таъсир қилмаслиги, бирор-бир ноқонуний афзалликларни қўлга киритишни (масалан, буюртмачиларга тадбирни ўтказаяётган лойиҳа-тадқиқот жамият тизимига мурожаат қилишни тавсия қилиш) кўзлаган яширин ноқонуний мукофотлаш мақсади бўлмаслиги лозим;

тадбир бундай тадбирда иштирок этишга доир маълумотлар ошкор қилинган тақдирда жамият тизими ва таклифни қабул қилувчи ёки таклиф этаётган томон мавқеи учун хатар туғдирмаслиги лозим;

тадбир умумэътироф этилган илмий ва ишбилармонлик амалиётига мос келиши ҳамда кўнгилочар мазмундаги хусусият касб этмаслиги лозим;

тадбир моҳияти ва қийматига кўра ўринли бўлиши, ҳаддан зиёд ҳашаматли, қиммат, ғайриодатий бўлмаслиги ва тез-тез такрорланиб турмаслиги лозим.

3.3.2. Жамият тизими ходимларига дастур доирасида ишбилармонлик тадбирини ўтказиш вақтининг 30%дан ортиғини кўнгилочар қисм ташкил этадиган, жамият тизимининг хулқ-атвор ва коррупцияга қарши тамойилларини бузадиган, обрўсига путур етказиш хавфини туғдирадиган ёки кўнгилочар жойлар, ишбилармонлик тадбирлари ўтказиш учун мақбул бўлмаган жойларда ўтказиладиган тадбирларда иштирок этиш тақиқланади.

3.3.3. Агар ишбилармонлик тадбирлари (семинар, симпозиум, давра суҳбатлари ва ҳ.к.) ташкилотчиси жамият тизими бўлса, у ҳолда бундай

ишбилармонлик тадбири ушбу сиёсатда қайд этилган талабларга мос келиши лозим.

3.4. Кадрлар билан боғлиқ жараёни тартибга солиш (ходимларни танлаш, лавозимини ошириш, моддий рағбатлантириш)

3.4.1. Жамият тизими ходимларини танлаш, аттестациядан ўтказиш ва уларнинг фаолиятини баҳолаш, жумладан мукофот, устамалар ва рағбатлантиришнинг бошқа турларини амалга ошириш жараёни барча ходимлар учун шаффоф, тенг ҳуқуқли ва холис ҳисобланиб, мазкур Сиёсатнинг асосий тамойиллари ва талабларига мос келиши лозим.

3.4.2. Номзодларни жамият тизимига танлаш ва тайинлаш жараёни номзодларни жамият тизимига қабул қилиш учун текшириш бўйича қўлланма ва жамият тизимининг бошқа ички ҳужжатларига, манфаатлар тўқнашувини бошқариш тартибига мувофиқ комплекс равишда текшириш билан бирга амалга оширилади.

3.4.3. Жамият тизимида ходимларга оид масалаларда қарор қабул қилувчи ходимларнинг лавозимини оширганда, лавозимга тайинлаганда, кадрлар заҳирасига қўшганда ва ҳ.к.ларда номзод (ходим)ларга ҳар қандай асоссиз имтиёзлар тақдим этиши тақиқланади, жумладан агар мазкур имтиёзлар пора олиш натижасида ёки манфаатлар тўқнашуви мавжудлиги сабабли тақдим этилса (мисол учун, фаворитизм, непотизм, уруғ-аймоқчилик, маҳаллийчилик, шафелик қилиш сабабли).

3.4.4. Бўш лавозимларга саралаб олиш эгалланаётган лавозимга қўйиладиган талабларга мувофиқ танлов асосида ёки бошқа усул ёрдамида (агар бундай усул жамият тизимининг ички ҳужжатларида кўзда тутилган бўлса) амалга оширилиши лозим. Бунда номзоднинг малакаси, касбий ва илмий ютуқларига асосий эътибор қаратилади.

3.4.5. Жамият тизимида ходимлар фаолияти самарадорлигининг муҳим кўрсаткичларини баҳолаш тартиби ва мезонлари ишлаб чиқиши ва ходимлар унинг асосида рағбатлантирилиши лозим. Мазкур кўрсаткичлар холис, шаффоф ва жамият тизими ходимлари танишиб чиқиши учун очиқ бўлиши лозим.

3.5. Ўрганишлар ўтказиш ва жамият фаолиятини ўрганиш

3.5.1. Турли ўрганишлар, мониторинг ўтказишда (кейинги ўринларда – ўрганиш объектлари) жамият тизими ходимлари:

манфаатлар тўқнашуви юзага келишига йўл қўймаслиги;

ўрганишлар, мониторинг объекти ўрганишларни яқка ўзи амалга оширмаслиги лозим;

текширув, ўрганиш, мониторинг объектига ташриф буюрувчилар ёки уларнинг вакиллари жамият тизими, унинг ҳудудий бошқармалари ва/ёки уларнинг тасарруфидаги муассасалар ёки бошқа объектларга шахсан ташриф буюрганда улар билан ёлғиз қолмаслиги;

йўл қўйилиши мумкин бўлган қоидабузарликларни сохталаштириш мақсадида текширув, ўрганиш ўтказиш, Ўзбекистон Республикаси қонунчилик

нормаларини нотўғри талқин қилмаслиги, ўрганилаётган объект ходимларини аниқланган фактларни ҳуқуқни муҳофаза қилиш ёки бошқа давлат органларига топшириш билан кўрқитмаслиги;

ўрганиш, мониторинг объекти ходимларига таҳдид қилмаслиги;

ҳужжатларни сўраб олиш ва текширув, ўрганиш, мониторинг предметига кирмайдиган масалалар билан қизиқмаслиги лозим;

ўрганиш, мониторинг давомида аниқланган ҳар бир қоидабузарликнинг қонуний ва профессионал баҳоланишини таъминлаши;

қоидабузарликларнинг видео ёки фотоқайдини амалга ошириши (ўрни келганда), жамият тизими томонидан фойдаланиладиган ахборот тизимларига қоидабузарликларга оид маълумотларни киритиши;

агар текширув, ўрганиш, мониторинг объекти вакиллари жамият тизими ходимига аниқланган қоидабузарликларни яшириш мақсадида пора ва/ёки ҳар қандай моддий бойликлар ёки хизматлар тақдим этаётган бўлса, бу ҳақида текширув юзасидан ишчи гуруҳ раҳбарига ва жамият тизимидаги коррупцияга қарши курашиш бўйича масъул ходимларига зудлик билан хабар бериши;

ўрганиш, мониторинг объекти вакилларига жамият тизими ходимларининг хулқ-атвор тамойилларига мувофиқ холис муносабатда бўлиши шарт.

3.5.2. Бошқа жамият тизимларда текширув, ўрганишлар ва мониторинг ўтказиш функциялари мавжуд бўлган таркибий бўлинмаларда, вазифаси ўтказилган текширувлар, ўрганишлар ва мониторинг натижалари юзасидан эътирозларни кўриб чиқиш бўлган апелляция инстанциялари ташкил этилади.

3.6. Ваколатли давлат органлари, контрагентлар ва учинчи шахслар билан шаффоф ва самарали ўзаро ҳамкорликни таъминлаш

3.6.1. Жамият тизими мазкур Сиёсат тамойиллари ва талаблари ҳамда Ўзбекистон Республикаси қонунчилик нормаларига зид ҳар қандай тўловларни ва/ёки ҳаракатларни амалга ошириш учун етказиб берувчилар, пудратчилар ва бошқа учинчи шахсларни жалб қилмайди.

3.6.2. Контрагентлар билан муносабатларда жамият тизими қонунийлик ва шаффофлик тамойилларига амал қилади.

3.6.3. Жамият тизимида объектив мезонлардан фойдаланишга асосланган етказиб берувчилар, пудратчилар ва бошқа контрагентларни танлашнинг ҳалол, очиқ ва шаффоф жараёни, шунингдек сотиб олинаётган маҳсулот/ишлар/хизматлар қийматини белгилашнинг шаффоф тартиби жорий этилиб, улар Ўзбекистон Республикасининг амалдаги қонунчилиги ва жамият тизимининг ички ҳужжатлари билан тартибга солинади.

3.6.4. Контрагентлар билан ўзаро алоқа/ҳамкорликда жамият тизими:

жамият тизимида Контрагентларни текшириш бўйича йўриқнома ва Ўзбекистон Республикаси қонунчилиги талабларига мувофиқ потенциал контрагентнинг ишончлилиги, жумладан у ўтмишда коррупциявий фаолиятга

жалб қилинган ёки қилинмаганлиги, жамият тизими ходимлари билан манфаатлар тўқнашуви мавжуд ёки мавжуд эмаслигини текширади;

потенциал контрагент, жумладан харид тартиб-таомиллари ёлибини у билан шартнома матнига махсус коррупцияга қарши шартларни қўшиш орқали ўзининг коррупцияга қарши тамойил ва талаблари ҳақида хабардор қилади.

3.6.5. Ваколатли давлат органлари билан ўзаро алоқа/ҳамкорлик қилишда (масалан, лицензия бериш, ихтисослаштирилган кенгашларда иштирок этиш, турли ҳужжатлар, объектларни келишишда ва ҳ.к) жамият тизими ҳужжатларни кўриб чиқишнинг шаффофлиги ва холислигини таъминлайди ҳамда зарур ҳолларда мазкур давлат органлари томонидан салбий ва бошқа хулосаларга келиш сабаблари хусусида қўшимча маълумотларни талаб қилади.

3.7. Хайрия ва ҳомийлик фаолиятининг шаффоф ва самарали жараёнини таъминлаш

3.7.1. Жамият тизими қонунчилик билан белгиланган ҳолатларда хайрия ва ҳомийлик ёрдамини қабул қилиши мумкин. Бундай ёрдамни олишда манфаатлар тўқнашувига йўл қўймаслик, маблағларни Ўзбекистон Республикаси қонунчилиги ёки шартномада кўрсатилган мақсадларга самарали ва мақсадли йўналтирилишини таъминлаш, шунингдек хайрия ва ҳомийлик фаолиятига доир ахборотни жамият тизимининг Интернет тармоғидаги расмий веб-сайтида очиқлаш бўйича барча чора-тадбирлар амалга оширилади.

3.7.2. Жамият тизими томонидан қабул қилинаётган хайрия ёки ҳомийлик ёрдами яширин мукофот тарзида бўлмаслиги ва жамият тизимининг алоҳида ходимлари томонидан хайрия қилувчи ёки ҳомий, унинг яқин қариндошлари, уларга алоқадор шахслар, шунингдек хайрия қилувчи ёки ҳомийда уларга нисбатан шахсий манфаатдорлиги бўлган шахслар фойдасига қарор қабул қилинишига таъсир кўрсатмаслиги лозим.

Жамият тизими ходимлари ўз номидан ва жамият тизимида лавозим мажбуриятларини бажаришдан бўш вақтларида давлат ёки нотижорат ташкилотларга беғараз профессионал хизматлар кўрсатиш (масалан, ҳужжатларни ишлаб чиқиш жараёнида маслаҳат бериш ёки иштирок этиш) шаклида хайрия ёрдами кўрсатиш ҳуқуқига эга.

Жамият тизими ходимлари томонидан беғараз асосда профессионал хизматлар кўрсатиш Ўзбекистон Республикаси қонунчилиги талаблари, жамият тизимининг қонуний манфаатлари, шунингдек мазкур Сиёсат тамойиллари ва талабларига зид келмаслиги лозим.

3.7.3 Жамият тизими томонидан хайрия ёки ҳомийлик ёрдамини олишда қуйидаги талаблар бажарилиши лозим:

хайрия қилувчи ёки ҳомий билан албатта шартнома тузиш, унда хайрия ёки ҳомийлик ёрдамини олиш ва ундан фойдаланиш мақсадлари, ёрдам шакллари, ёрдамнинг пул ифодасидаги суммаси, хайрия қилувчи ёки ҳомий

олдида келиб тушган ёрдамдан мақсадли фойдаланиш тўғрисида ҳисоб бериш усули белгилаб қўйилиши лозим;

бундай шартномага коррупцияга қарши шартларни киритиш;

жамият тизимининг интернет тармоғидаги расмий веб-сайтида олинган хайрия ёки ҳомийлик ёрдамига доир ахборотни жойлаштириш.

3.8. Жамият тизими фаолияти соҳасига янги технологияларни жорий этиш

3.8.1 Коррупциявий хавф-хатарларни минималлаштириш мақсадида жамият тизими ходимлари ўз функциялари ва лавозим мажбуриятларини ахборот технологияларидан фойдаланган ҳолда амалга оширади (агар имкони бўлса).

3.8.2. Давлат харидлари доирасида танлов савдоларини ўтказишда жамият тизими ходимлари ахборот технологияларидан фойдаланади ва танлов савдолари иштирокчилари билан ўзаро алоқани электрон шаклда онлайн режимида бошқа электрон тизимлар билан интегратсия қилиш имкониятини қўллаган ҳолда амалга оширади.

3.9 Жамият тизимидаги фаолиятни видеоқайд қилиш ва унинг транслятсияси

3.10.1 Жамият тизими биноларида ходимлар фаолиятини назорат қилиш мақсадида аудио ва видеоёзув камералари ўрнатилиб, улардаги ёзувлар жамият тизимининг Коррупцияга қарши курашиш масъул ходимлари томонидан кўриб борилади.

3.10.2. Жамият тизимининг Интернет тармоғидаги расмий сайтларида коррупция хавф-хатари юқори бўлган айрим жараёнларнинг онлайн транслятсияси жойлаштирилади (хусусан, ходимлар билан суҳбат ўтказиш, уларни тестдан ўтказиш, комиссиялар йиғилишлари ва ҳ.к.).

4-боб. Коррупцияга қарши курашиш тизими элементлари

4.1. Коррупцияга қарши курашиш бўйича муҳим ички ҳужжатлар мавжудлиги

4.1.1. Коррупцияга қарши курашиш тизими асосини:

мазкур Сиёсат;

жамият тизими ходимларининг одоб-ахлоқ қоидалари;

жамият тизимида манфаатлар тўқнашувини бошқариш тартиби тўғрисидаги Низомда акс эттирилган тамойиллар ва талаблар ташкил этади.

4.1.2. Жамият тизими раҳбарлари ходимларга олий раҳбарлик намунасини кўрсатиши лозим.

4.1.3. Жамият тизими раҳбари ва уларнинг ўринбосарлари, шунингдек жамият тизими таркибий бўлинмалари раҳбарлари ўзига бўйсунувчилар, фуқаролар ва юридик шахсларга нисбатан муносабатларда ҳалол, одил ва мустақил хулқ-атвор намунаси бўлади ва шу орқали уларда коррупциявий

ҳаракатларга нисбатан мурасасиз муносабатни шакллантиришга хизмат қилади.

4.1.4. Жамият тизими раҳбари ва уларнинг ўринбосарлари, шунингдек жамият тизими таркибий бўлинмалари раҳбарлари, тизим фаолиятининг хавф-хатар функциялари (йўналишлари)га коррупцияга қарши самарали чора-тадбирлар ва тартиб-таомилларни жорий этиш орқали коррупцияга қарши курашишнинг самарали тизимини барпо этиш ва амалга оширишга нисбатан лидерликни намойиш қилади, жумладан коррупцияга қарши курашиш дастур/йўл харитасини ишлаб чиқишда иштирок этган ва унинг ижроси устидан жорий назоратни амалга оширган ҳолда.

4.2. Коррупциявий хавф-хатарни аниқлаш ва баҳолаш

4.2.1. Жамият тизими ўз фаолиятига хос коррупциявий хавф-хатарларни аниқлаш ва баҳолашни ташкилий тузилмалар функцияларининг хусусияти, жамият ва бошқа шахслар билан ўзаро муносабатлар, шунингдек жамият тизимида коррупциявий хавф-хатарларни баҳолаш услубиётига мувофиқ ташқи ва ички омилларни ҳисобга олган ҳолда амалга оширади.

4.2.2. Коррупциявий хавф-хатарни аниқлаш ва баҳолаш доирасида коррупциявий хавф-хатарга энг кўп мойил бўлган функцияларни аниқлаш мақсадида жамият тизими фаолиятининг барча йўналишлари, уларда мавжуд коррупцияга қарши назоратлар ва тартиб-таомиллар, уларнинг аниқланган хавф-хатарларни камайтириш учун етарлилиги нуқтаи назаридан таҳлил қилинади.

4.2.3. Хавф-хатарларни аниқлаш ва баҳолаш жараёнида жамият тизими тегишли функциялар раҳбарлари жамият тизимидаги коррупцияга қарши курашиш бўйича ички назорат тузилмалари/коррупцияга қарши курашиш учун масъулларнинг фаол кўмаги ва назорати остида иштирок этади.

4.2.4. Жамият тизимининг коррупцияга нисбатан мурасасизлик (тоқатсизлик) тамойилини ҳисобга олган ҳолда, коррупциявий хавф-хатарларни бошқариш заруратини юзага келиши эҳтимолини ва таъсир даражасидан қатъий назар эътироф этади.

4.2.5. Коррупциявий хавф-хатарларни баҳолаш бир йилда бир мартадан кам бўлмаган вақтда ўтказилади. Коррупциявий хавф-хатарларни баҳолаш натижалари жамият тизимининг раҳбари томонидан кўриб чиқилади. Аниқланган хавф-хатарларни минималлаштирувчи коррупцияга қарши курашиш чора-тадбирлар ва тартиб-таомиллар жамият тизимининг коррупцияга қарши дастур/йўл хариталарида акс эттирилади.

4.3 Коррупцияга қарши курашиш учун масъул бўлган тузилмалар ва шахслар.

4.3.1. Жамият тизимида коррупцияга қарши курашишнинг самарали тизимини шакллантириш учун алоҳида Коррупцияга қарши курашиш бўлими (кейинг ўринларда – бўлим) ҳамда комплаенс назорати масъул ходимларини (кейинг ўринларда – масъул ходим) ташкил этилган.

4.3.2. Бўлим ҳамда масъул ходимлар фаолияти Коррупцияга қарши курашиш тўғрисидаги Низоми асосида амалга оширади ва бевосита жамият тизими раҳбарларига бўйсунди.

4.3.3. Жамият тизими раҳбарлари Коррупцияга қарши курашиш бўлими ҳамда тизимдаги комплаенс назорати масъул ходимларини коррупцияга қарши вазифаларни амалга ошириши учун етарли даражадаги мустақиллик ва зарур ресурслар билан, ҳамда фаолиятини амалга ошириши учун зарур билимлар ва ваколатларга эга бўлган етарли даражадаги штат бирликлари билан таъминлайди.

4.3.4. Назорат тузилмаси ходимлари ҳар йили коррупцияга қарши курашиш бўйича малакасини ошириши ва коррупцияга қарши курашиш ва коррупцияга қарши тизимни шакллантириш масалаларига бағишланган тадбирларда иштирок этиши зарур.

4.3.5. Коррупцияга қарши курашиш бўлими коррупциянинг олдини олишга қаратилган чора-тадбирларни амалга оширади.

4.3.6 Жамият тизимининг кадрлар бўлимлари, жамият тизимида манфаатлар тўқнашувини бошқариш тўғрисидаги Низом, шунингдек Ўзбекистон Республикаси қонунчилиги нормаларида назарда тутилган тартибда ходимларнинг яқин қариндошлари ва уларга алоқадор шахсларга доир маълумотларнинг тизимли ва ўз вақтида йиғилиши, таҳлил қилиниши ва актуаллаштирилиши учун жавоб беради.

4.3.7. Жамият тизимининг барча муассасаларида алоҳида Одоб-ахлоқ комиссиялари фаолият юритади.

4.3.8. Жамият тизимидаги Одоб-ахлоқ комиссиялари жамият тизимидаги ходимларнинг этик хулқ-атвор қоидалари билан белгиланган хулқ-атвор меъёрларига риоя қилиш масалаларини кўриб чиқади, шунингдек жамият тизимида манфаатлар тўқнашувини бошқариш тўғрисидаги Низомда белгиланган тартибда манфаатлар тўқнашуви билан боғлиқ вазиятларни тартибга солиш жараёнида иштирок этади.

4.4. Аниқланган коррупциявий хавф-хатарларни минималлаштирувчи коррупцияга қарши чора-тадбирлар

4.4.1. Жамият тизимида нафақат умумий назорат муҳити, балки коррупцияга қарши назорат тадбирлари ва жамият тизими фаолиятининг хавф-хатарли йўналишларини, функциялари, тартиб-таомилларини қамраб олувчи коррупцияга қарши курашнинг комплекс тизимини жорий этади.

4.4.2. Жамият тизимида коррупцияга қарши назорат тадбирлари ва тартиб-таомиллари самарадорлиги, шунингдек уларнинг аниқланган хавф-хатарлар даражасига мутаносиблиги, жамият тизими ходимлари учун аниқ ва тушунарли, фуқаролик жамияти учун шаффофлигини таъминлашга интилади.

4.4.3. Амалга оширилаётган чора-тадбирлар, шунингдек коррупцияга қарши курашиш бўйича жорий этилаётган назоратлар ва тартиб-таомиллар жамият тизимининг коррупцияга қарши ички идоравий ҳужжатларида акс

этирилиб, мазкур Сиёсат ва жамият тизимининг тегишли ички ҳужжатлари билан мустақамланиб қўйилади.

4.5. Хабар бериш, алоқа ўрнатиш ва маслаҳат бериш

4.5.1. Жамият тизими коррупциявий хавф-хатарларни қисқартириш ва жамият хабардорлигини ошириш мақсадида мазкур Сиёсат ва ўзлари томонидан амалга оширилаётган коррупцияга қарши курашиш чора-тадбирларга оид асосий ахборотларни расмий веб-сайтларида жойлаштиради.

4.5.2. Жамият тизими барча куч ва имкониятларини ходимлари ва бошқа манфаатдор шахсларга қуйидагилар орқали Ўзбекистон Республикасининг коррупцияга қарши қонунчилиги нормалари, шунингдек жорий этилган коррупцияга қарши тамойиллар, чора-тадбирлар ва талаблар тўғрисида хабар бериш ва уларни тушунтиришга сарфлайди:

жамият тизими раҳбарияти томонидан электрон манзил ва бошқа алоқа воситаси орқали жамият тизимида ходимлар томонидан коррупцияга қарши қабул қилинган нормалар ва талабларга риоя қилиниши муҳим эканлигига доир доимий хабарлар юборади;

жамият тизими ходимларини коррупцияга қарши курашиш масалалари бўйича ўқитишга доир йиллик режага мувофиқ коррупцияга қарши курашиш асослари бўйича мунтазам ва тизимли равишда бир йилда камида бир марта ўқитилади ҳамда тестдан ўтказилади;

янги ходимларни ишга қабул қилаётганда ушбу Сиёсат ва жамият тизимининг коррупцияга қарши курашишга доир бошқа ички ҳужжатлари билан албатта таништирган ҳолда, улар учун коррупцияга қарши курашиш бўйича мажбурий курсларни ташкил этади;

жамият тизимидаги коррупция хавф-хатари юқори бўлган лавозимлар учун коррупцияга қарши ўқитишнинг қўшимча дастурлари белгиланади. Ўтказилган ўқув курслари/тренингларга оид маълумотлар Ўзбекистон Республикаси қонунчилигида белгиланган тартибда жамият тизимининг кадрлар бўлими (кадрлар бойича мутахассис)да сақланади;

мавзуга доир аудио ва видеороликлар ҳамда жамият тизими ходимлари ва фуқароларнинг коррупцияга қарши курашиш ва уларда коррупцияга нисбатан муросасиз муносабатни шакллантириш бўйича амалга оширилаётган чора-тадбирлар тўғрисидаги хабардорлигини оширишга қаратилган бошқа ахборот материалларидан фойдаланган ҳолда коррупцияга қарши кампаниялар ташкил қилиш;

жамият тизими ходимлари томонидан коррупциявий ҳаракатлар содир этилишига доир фактлар ва гумонлар, коррупциявий хавф-хатарлар ва ҳ.к.лар тўғрисида хабар бериш учун умумфойдаланувдаги алоқа каналлари билан таъминлаш (коррупция фактлари тўғрисида хабар бериш мумкин бўлган усулларга доир батафсил маълумотлар мазкур Сиёсатнинг 6-бобида келтирилган);

мазкур Сиёсат қоидалари (мазкур Сиёсатнинг 5-бобида кўрсатилган)ни қўллаш ёки жамият тизими Коррупцияга қарши курашиш бўлими ва коррупцияга қарши курашиш масъул ходимлари томонидан коррупцияга қарши чора-тадбирлар ва тартиб-таомилларни амалга ошириш билан боғлиқ саволлар туғилганда, жамият тизими ходимларига маслаҳатлар бериш;

тасдиқланган режа асосида Назорат тузилмаси жамият тизимида коррупцияга қарши хулқ-атвори фаол тарзда тарғиб қилиши;

жамият тизими ходимлари меҳнат шартномаларига коррупцияга қарши қоидаларни киритиши, жамият тизими мазкур Сиёсат кучга кирган вақтдан бошлаб жамият тизимининг янги ходимлари билан тузиладиган, шунингдек шартларни қайта кўриб чиқиш доирасида ходимларнинг амалдаги меҳнат шартномаларига коррупцияга қарши қоидаларни киритади;

жамият тизими контрагентлари, ҳамкорлари, хайрия қилувчилари, ҳомийлари билан тузиладиган шартномаларга коррупцияга қарши шартларни киритиш, коррупцияга қарши шартлар мазкур Низом кучга кирган вақтдан бошлаб жамият тизимининг янги контрагентлари, ҳамкорлари, хайрия қилувчилари, ҳомийлари билан тузиладиган шартномаларга киритилади. Коррупцияга қарши шартлар жамият тизимининг барча шартномаларига киритилади, хусусан, электрон дўкон, электрон аукцион орқали харид натижалари бўйича ва давлат табиий монополиялари (почта, электр энергияси, газ таъминоти, сув таъминоти, темир йўллари, ҳаво йўллари ва ҳ.к.) билан тузиладиган шартномалар бундан мустасно. Коррупцияга қарши шартлар мазкур Сиёсат қабул қилинишидан олдин тузилган шартномаларга шартларни қайта кўриб чиқиш доирасида ва/ёки ташаббусга кўра киритилади.

4.6. Мониторинг, назорат ва ҳисобдорлик.

4.6.1. Коррупцияга қарши курашиш учун масъуллар жамият тизимида амалга ошириладиган коррупцияга қарши тартиб-таомилларнинг доимий мониторинги, назорати ва уларнинг самарадорлиги, етарлилиги ва мутаносиблигини баҳоланишини амалга оширади. Ўтказилган мониторинг натижаларига кўра жамият тизимида коррупцияга қарши курашиш тизимини шакллантиришга доир тегишли чора-тадбирлар қабул қилинади.

4.6.2. Мониторинг ва назорат жамият тизимида Коррупцияга қарши тартиб-таомилларнинг самарадорлигини мониторинг ва назорат қилиш Услубиётига ва жамият тизимининг бошқа ички ҳужжатларига мувофиқ амалга оширилади.

4.6.3. Коррупцияга қарши курашиш тизими мониторинги қуйидаги асосий йўналишлар бўйича амалга оширилиши лозим:

жамият тизимининг функциялари ва хусусиятларининг ўзгариши, унинг ташкилий-функционал тузилмаси, ҳамда ташқи ва ички омилларнинг коррупцияга қарши тизимига таъсирини таҳлил қилиш, унга тузатиш киритиш зарурлигини, шу жумладан унинг мувофиқлигини Ўзбекистон Республикаси қонунчилиги талаблари асосида таъминлаш;

жамият тизимининг фаолиятида қўлланиладиган коррупцияга қарши курашиш соҳасидаги қонунчилиги ва ҳокимият органлари тавсияларининг мониторинги;

ҳалқаро ва хорижий вазирлик тизимларнинг коррупцияга қарши курашиш бўйича самарали тизимини яратиш ва қўллаб-қувватлаш масалаларига доир тавсиялари мониторинги;

оммавий ахборот воситаларанинг жамият тизими ёки ходимлари коррупциявий ҳаракатларга жалб қилинганлиги тўғрисидаги маълумотлар, шунингдек жамият тизими контрагентлари ва/ёки ҳамкорлари тўғрисида худди шундай маълумотлар мавжудлиги юзасидан мониторинг;

самарасиз назоратлар ва тартиб-таомилларни аниқлаш учун уларни такомиллаштириш ҳамда коррупцияга қарши тизим ишончлилиги ва самарадорлигини таъминлаш мақсадида танлов асосида жамият тизимининг ички жараёнлари ва функцияларини мониторинг қилиш;

жамият тизимининг коррупцияга қарши дастури ёки йўл харитаси бандлари бажарилишининг тўлиқлиги ва самарадорлигини мониторинг қилиш;

жамият тизими ходимлари томонидан қабул қилинган коррупцияга қарши талаблар ва жорий этилган тартиб-таомилларга риоя қилинишини текшириш;

жамият тизими ходимларининг коррупцияга қарши асосий тамойиллар ва талаблар тўғрисида хабардорлигини текшириш;

4.6.4. Жамият тизимида коррупцияга қарши курашиш тизими самарадорлиги (коррупциявий хавф-хатарлар мавжуд эмаслиги) қуйидаги тадбирларни амалга ошириш орқали текширилади:

коррупцияга қарши курашиш тизимининг ички аудитини ўтказиш, жумладан, жамият тизимида белгиланган талаблар ва тартиб-таомилларга риоя этилишини назорат қилиш;

коррупцияга қарши тизимнинг ИСО 37001:2016 стандартига мувофиқлигининг ички аудитини ўтказиш.

4.6.5. Коррупцияга қарши курашиш тизимини мониторинг ва назорат қилиш тадбирлари якунлари ва натижалари коррупцияга қарши курашиш тизимининг ҳолати ҳақидаги ҳисоботларида акс эттирилади. Ҳисоботларни шакллантириш ва тақдим этиш тартиби жамият тизимида коррупцияга қарши курашиш тизимининг ҳолати ҳақидаги ҳисоботларини шакллантириш ва тақдим этиш регламентида мустаҳкамлаб қўйилган.

4.7. Қонунбузарликларга жавоб қайтариш ва айбдор ходимларни жавобгарликка тортиш.

4.7.1. Мазкур Сиёсатга мос келиш ва жамият тизимининг коррупцияга қарши талаблари ва тартиб-таомилларига риоя қилиш ҳар бир ходимнинг ўз лавозим мажбуриятларини бажариш доирасидаги мажбурияти ҳисобланади. Ходимлар мазкур Сиёсат ва жамият тизимининг бошқа ички ҳужжатларида

белгилаб қўйилган коррупцияга қарши курашиш масалаларига оид талаблар ва тартиб-таомилларни бузганлиги учун шахсан жавобгар бўлади.

4.7.2. Жамият тизими раҳбарларига бевосита ўзининг бўйсунувидаги ходимлар томонидан содир этилган коррупциявий ҳаракатлар учун шахсан жавобгарлиги юкланади.

4.7.3. Коррупцияга нисбатан **муросасизлик (тоқатсизлик)** тамойилига амал қилган ҳолда жамият тизимининг барча ходимларига бевосита ёки билвосита, шахсан ёки воситачилар орқали ҳар қандай коррупциявий ҳаракатларда иштирок этиш қатъиян ман этилади, яъни:

ўз лавозим мавқеидан ноқонуний фойдаланиш, шунингдек хизмат мавқеи ва ваколатларини суистеъмол қилиш мақсадида ҳар қандай шахслардан ноқонуний фойда олишга розилик бериш ёки олиш, талаб қилиш, таъмагирлик қилиш, шунингдек, ходим томонидан ўз лавозим мавқеидан жамият тизимининг қонуний манфаатларига зид равишда, жумладан ўзи ва учинчи шахслар учун ноқонуний фойда олиш мақсадида фойдаланиш;

давлатнинг мансабдор шахси ёки бошқа ҳар қандай шахсга унинг ҳаракатларига таъсир ўтказиш (ҳаракатсизлигини таъминлаш) ва/ёки шахс, жумладан жамият тизими манфаатлари йўлида ноқонуний афзалликларни қўлга киритиш мақсадида лавозим мажбуриятларини ноқонуний тарзда бажаришга ундаш, ноқонуний фойда (пора, порахўрлик)ни таклиф қилиш, ваъда бериш, бунга ижозат бериш, тақдим этиш;

расмийчиликларни соддалаштириш учун тўловлар ундириш, олиш ёки амалга ошириш;

порахўрлик ёки тижорий пора олишда воситачилик қилиш, жумладан пора олувчига ноқонуний фойдани топшириш ёки пора олувчи ва берувчи ўртасида келишувга эришишда воситачилик қилиш;

жамият тизими ходимларининг коррупция белгилари мавжуд бўлган ёки уни содир этиш, жумладан манфаатлар тўқнашуви ҳолатлари юзага келишига хизмат қилувчи бошқа ҳаракатлари/ҳаракатсизлиги.

4.7.4. Ходимлар ўз раҳбарига ва жамият тизимининг Коррупцияга қарши курашиш бўйича масъулларга уларни коррупциявий ҳаракатларини содир этишга ундаш мақсадида мурожаат қилган шахслар билан боғлиқ, шунингдек, уларга маълум бўлган бошқа ходимлар томонидан содир этилган коррупциявий ҳаракатларга оид барча ҳолатлар тўғрисида хабар бериши лозим.

4.7.5. Коррупцияга нисбатан **муросасизлик (тоқатсизлик)** тамойилини ҳисобга олган ҳолда жамият тизимида ходимлар томонидан коррупциявий ҳаракатлар содир этилганлигига доир ҳар бир асосли гумон бўйича жамият тизимида хизмат текширувларини ўтказиш бўйича регламент ва бошқа ички ҳужжатларда кўзда тутилган тартибда ҳамда Ўзбекистон Республикаси қонунчилиги талабларига мувофиқ хизмат текшируви ўтказилади.

4.7.6. Мазкур Сиёсат, коррупцияга қарши қонунчилик талаблари ва/ёки жамият тизими бошқа ички ҳужжатларида мустаҳкамлаб қўйилган

коррупцияга қарши талаблар ва тартиб-таомилларни бузган ходимлар лавозими, хизмат муддати ва бошқа омиллардан қатъий назар Ўзбекистон Республикаси қонунчилиги ва жамият тизимининг ички ҳужжатлари доирасида ва уларда кўзда тутилган асослар бўйича жавобгарликка тортилади.

4.7.7. Коррупциявий ҳаракатлар аниқланган тақдирда Коррупцияга қарши курашиш бўйича масъуллар уларни юзага келиш сабаблари ва имкониятларини таҳлил қилади ва доимий равишда коррупцияга қарши курашиш тизимини такомиллаштиради.

4.7.8. Ички текширувлар натижалари доимий равишда раҳбарга, жамият тизими ҳайъати ва тегишли таркибий бўлинмалари раҳбарларига тақдим этилади.

4.7.9. Жамият тизими коррупциявий ҳуқуқбузарликларни аниқлашда, шунингдек, тергов жараёнида ҳуқуқни муҳофаза қилиш ва бошқа давлат органлари билан ҳамкорлик қилади.

5-боб. Жамият тизими ходимларига маслаҳат бериш

5.1. Жамият тизими ходимларида Ўзбекистон Республикасининг коррупцияга қарши қонунчилиги талаблари, мазкур Сиёсат қоидалари ва жамият тизимида коррупцияга қарши курашиш масалаларига оид бошқа ички ҳужжатлар ва тартиб-таомиллар билан боғлиқ ҳар қандай саволлар туғилган тақдирда, улар маслаҳат сўраб ўзининг таркибий бўлинмаси раҳбари ёки жамият тизимининг коррупцияга қарши кураш учун масъул шахсларига мурожаат қилишлари лозим.

6-боб. Коррупциявий ҳаракатларга доир хабарлар

6.1. Жамият тизими ходимларининг ҳаракатлари қонунийлиги ёки этикага мослиги юзасидан шубҳа, коррупциявий ҳаракатлар ёки бошқа қоидабузарликлар билан боғлиқ тахминлар ёки содир этилганлигига оид асосли гумонлар юзага келган тақдирда улар ҳақида жамият тизимининг мавжуд алоқа каналлари орқали очиқ хабар берилиши мумкин.

6.2. Жамият тизими ўз ваколатлари ва мавжуд имкониятлари доирасида қоидабузарликка оид асосли ахборотни тақдим этган шахсга доир маълумотларни махфийлигини таъминлайди, Ўзбекистон Республикаси қонунчилигида кўзда тутилган ҳолатлар бундан мустасно.

6.3. Жамият тизими ўз ходимлари манфаатларини ҳимоя қилади ва бошқа ходимларнинг шубҳали хулқ-атвори ёки мазкур Сиёсатнинг коррупцияга қарши курашиш талаблари бузилган бўлиши мумкинлиги ҳақида виждонан хабар берган ходимларга нисбатан ишдан бўшатиш, лавозимини тушириш, камситиш, зулм ўтказиш, таъқиб қилиш сингари ўч олиш ҳаракатларига йўл қўйилмаслигини кафолатлайди.

6.4. Коррупциявий ҳаракатларга оид хабарлар қуйидаги алоқа каналлари:

(71) 203-26-26, ички рақам 1033, ишонч телефонлари ва жамият тизимида ўрнатилган бошқа телефон рақамлари орқали;

ижтимоий тармоқлар, масалан Телеграм бот.-каналли;

жамият тизимининг расмий веб-сайтида жойлаштирилган шакл;

интернет тармоғидаги Ўзбекистон Республикаси Президентининг виртуал қабулхонаси, Ўзбекистон Республикасининг ҳукумат портали, жамият тизими раҳбарининг виртуал қабулхонаси;

жамият тизими ходимлари томонидан тасдиқланган жадвалга мувофиқ ўзтақзиладиган шахсий қабул;

жамият тизими муассасалари девонхонасига юбориладиган ёзма мурожаатлар;

жамият тизими Коррупцияга қарши курашиш бўйича масъуллар орқали ҳуқуқни муҳофаза қилиш органлари орқали тақдим этилиши мумкин.

6.5. Жамият тизимининг алоқа каналлари орқали келиб тушган барча хабарлар жамият тизими масъул шахслари томонидан Ўзбекистон Республикаси қонунчилиги, жамият тизимидаги коррупциявий ҳаракатлар тўғрисида хабар беришга мўлжалланган алоқа каналлари орқали келиб тушган хабарларни қабул қилиш ва уларга ишлов бериш регламенти ва жамият тизимининг бошқа ички ҳужжатларига мувофиқ ўз вақтида ва ҳолисона кўриб чиқилади.

6.6. Коррупциявий ҳаракатлар тўғрисида аноним тарзда берилган хабарлар ҳам кўриб чиқилади, лекин аноним бўлиб қолишни истаган шахс ушбу ҳолатда келиб тушган хабарга жавоб бериш учун аризачи билан боғлана олмаганда ва зарур қўшимча маълумотларни ололмаган тақдирда аризани тўлиқ ва ҳар томонлама текширилмаслигини аризачи тан олади.

6.7. Жамият тизими ходимлари томонидан атайлаб ёлғон хабар юбориш мазкур Сиёсат талабларини бузиш ва этикага зид ҳулқ-атвор намунаси сифатида баҳоланади, бу ҳақида хабар берган шахс эса ўз навбатида Ўзбекистон Республикаси қонунчилиги ва жамият тизимининг ички ҳужжатларига мувофиқ жавобгарликка тортилиши мумкин.

6.8. Жамият тизимидаги коррупция фактлари тўғрисида виждонан хабар берган жамият тизими ходимлари қайд этилган ахборот тасдиқланган тақдирда Ўзбекистон Республикаси қонунчилигига мувофиқ рағбатлантирилиши мумкин.

7-боб. Қайта кўриб чиқиш ва ўзгаришлар киритиш тартиби

7.1. Мазкур Сиёсат қуйидаги ҳолларда қайта кўриб чиқилиши ва тўғирланиши мумкин:

мавжуд коррупцияга қарши сиёсатлар ва тартиб-таомилларни қайта кўриб чиқиш заруратини юзага келтирувчи Ўзбекистон Республикасининг коррупцияга қарши кураш соҳасидаги қонунчилиги ўзгарганда;

самарасиз коррупцияга қарши назорат тадбирлари ва тартиб-таомиллари аниқланганда, шунингдек жамият тизими фаолиятида коррупциянинг олдини олиш ва унга қарши курашга қаратилган комплекс чора-тадбирларни такомиллаштириш зарурати юзага келганда;

жамият тизимининг ташкилий тузилмаси ва/ёки функцияларининг ўзига хос жиҳатлари ўзгарганда ва ҳ.к.